



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-40860-1/19
Sarajevo, 18.11.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), Vlada Kantona Sarajevo na 61. vanrednoj sjednici održanoj 18.11.2019. godine, donijela je sljedeći

ZAKLJUČAK

1. U cilju humanog pristupa migrantima; potpuno poštivajući međunarodne konvencije i prava migranata; zabrinuti za opštu sigurnost, javno zdravstvo te ličnu i imovinsku sigurnost građana; smatrajući nedopustivim djelovanje bez saglasnosti i konsultacija sa nižim nivoima vlasti koje nose najveći teret migrantske krize;
Vlada Kantona Sarajevo i načelnici svih devet općina u Kantonu Sarajevo od Vijeća ministara Bosne i Hercegovine i državnih institucija kao direktno odgovornih i isključivo nadležnih za pitanje migranata traže:
 - da preuzmu odgovornost cjelovitog upravljanja migrantskom krizom, djelujući uz konsultacije sa nižim nivoima vlasti;
 - da značajno pojačaju kontrole istočne granice u svrhu smanjenja priliva broja migranata u Bosnu i Hercegovinu, po ugledu na zemlje Evropske unije;
 - da pitanje smještaja migranata riješe planski, formiranjem većeg broja kampova maksimalnog kapaciteta do 200 kreveta u cijeloj Bosni i Hercegovini, uključujući oba entiteta, Brčko distrikt i svih deset kantona u Federaciji Bosne i Hercegovine;
 - spremni smo biti dio samo takvog rješenja kojim se vrši disperzija migranata na prostoru cijele Bosne i Hercegovine sa kampovima kapaciteta do 200 kreveta;
 - odbacujemo *ad hoc* rješenja koja predviđaju nove velike kampove u jednoj ili nekoliko lokalnih zajednica, usložnjavajući humanitarnu i sigurnosnu situaciju;
 - tražimo aktivan diplomatski angažman Države Bosne i Hercegovine u cilju umanjenja pritiska migrantske krize, povratka migranata i kontakta sa zemljama iz kojih migranti dolaze, te kvalitetnijeg odnosa sa zemljama krajnim odredištima migranata;
 - Vlada Kantona Sarajevo i svih devet općina u Kantonu Sarajevo će nastaviti pružati humanitarnu, zdravstvenu i sigurnosnu zaštitu migranata i građana u kontaktu sa migrantima u skadu sa svojim mogućnostima i kapacitetima.
2. Neodgovorno, neplansko i neadekvatno upravljanje migrantskom krizom izlaže riziku migrante i lokalno stanovništvo, te iz humanih i sigurnosnih razloga pozivamo Vijeće ministara Bosne i Hercegovine da prihvate i preuzmu zaključke Vlade Kantona Sarajevo i načelnika svih devet općina u Kantonu Sarajevo.

3. Vlada Kantona Sarajevo, u okviru svojih nadležnosti poduzet će sve mjere da spriječi otvorenje novog kampa na prostoru Kantona Sarajevo bez sistemskog rješenja na nivou cijele Bosne i Hercegovine.
4. Vlada Kantona Sarajevo će i u narednom periodu činiti dodatne napore za pomoć Općini Hadžići u suočavanju sa posljedicama migrantske krize



Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Premijer Kantona Sarajevo
4. Vijeće ministara Bosne i Hercegovine
5. Ministarstvo unutrašnjih poslova
6. Ministarstva 11x
7. Općine u Kantonu Sarajevo 9x
8. Evidencija
9. Arhiva



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

